

古今遊記叢鈔

卷之四十一 新疆省

新疆紀畧

清 七十一

雪山自嘉峪關起。龍蜿蜒而西。或起或伏。或斷或續。或析而三。或聚而一。或嵒然岌聳。干插雲天。或散漫平岡。廻環千里。山南爲哈密。爲闢展。爲哈喇沙拉。爲庫車。爲阿克蘇。爲烏什。爲葉爾羌。爲和闐。爲喀什噶爾。其餘小城無算。皆回人聚居。所謂南路也。山北爲巴里坤。爲烏魯木齊。爲伊犁。爲塔拉巴哈臺。其餘小城亦無算。爲準噶爾故地。所謂北路也。雪山之往中國者。嘉峪關外。東北繇瓦九千餘里。爲南北兩路之分界。至葉爾羌愈遠峻。西南折入溫都斯坦。復折而西。直達西海。不可考究矣。其最大而著名者。於烏魯木齊。爲博克搭班。三峯孤峭。冰雪晶瑩。望之如琉璃。插天隔蔽日月。於哈喇沙拉。爲莫勒土斯。圍逾千里。水暢草肥。宜於遊牧。於伊犁烏什之交。爲穆肅魯塔班。其山皆冰望之如銀。南北兩路之衝衢也。於葉爾羌爲米勒臺搭班。山中皆玉。又西復作冰山。

尤險阻。爲葉爾羌溫都斯坦往來必由之孔道。更有玉山在焉。其山自古積雪。冰雪之水。自山陽而下。冬夏湧流。散漫於南路各城。以資灌溉。諸水皆聚於賀卜諾爾。賀卜諾爾者。譯言星宿海也。泉水黃赤。湧地而出。望之如列星散布。復經諸山冰雪之水。匯歸流入中國。卽黃河也。自後藏西南溫都斯坦各國雪水。經番地流入中國川江。益東匯爲揚子大江也。

嘉峪關外沙磧千里。乏水草。絕人煙。自古然矣。前漢有事於邊陲。置安西燉煌之郡。我皇上開闢新疆以來。西北數萬里。盡入版圖。邊外近地編氓之聚族而居者。日以加繁。因時制宜。治以守令矣。於關之西二百九十里。設玉門縣治。又西三百里。設安西府治。附郭之縣曰澗水。乾隆三十九年。改安西府爲安西直隸州。縣裁。鎮將同城焉。州西疑卽疏勒故國。蹟雖莫考。而其水猶呼爲疏勒河也。州南六百餘里。卽沙州。並新設之燉煌縣治其地。沙蹟尤甚。所產之瀚海石。極佳。沙州東行四日。卽陽關故址。雖存。今非大路之所經。名不著矣。州有泉一區。深二三尺。偃月形。俗呼爲月牙泉。極甘冽。四圍流沙。廣漠無垠。深不可測。鎮石泓然。古稱陽關之西。有不滿之沙井。得毋卽此。

哈密城在安西之西九百里。古之回國也。前明已隸中夏。所以有赤金之衛。沙州之衛。哈密之衛。重兵駐守。至今故壘烽臺。遺蹟處處可考。康熙時。準噶爾恃其強盛。與中國爭哈密之地。賊勢猖獗。逾哈密而東犯。回衆流徙。及大兵西下。額魯特棄巴點錯而逃。當時軍事所需。皆由哈密轉運。乾隆十九年。掃蕩伊犁。軍出嘉峪關。哈密爲錢糧總匯之地。其後額魯特之亂。霍吉占之亂。大兵累歲進剿。哈密之轉輸尤亟。至今西域各城。歲需帑項。仍由哈密撥解。建城一處。周四里有奇。城西五里餘。卽哈密回城。其王曰伊薩克。所轄回城六。曰哈密。曰素木哈爾灰。曰阿思他納。曰託哈奇。曰拉珠楚克。曰哈拉託巴。所有回戶。皆伊薩克之阿拉巴圖（奴也）戶寡弱不滿二千家。皆貧窶不能自給。語言與外人疆之各回不通。衣服相似。但帽圓翅短耳。夏極熱。冬極寒。土產二麥穀。糜瓜蒲桃。北界巴里坤。南界闢展。爲關外第一要衝。

巴里坤在哈密西北三百里。準噶爾故地也。雍正間。天兵進剿。驅逐額魯特西去。以此地南界哈密。北鄰喀爾喀。西接烏魯木齊。進可以攻。退可以防。爲南北兩路適中緊要之區。故設重兵以防守之。設領隊大臣一員。攜眷滿兵一千。綠營設總兵官一員。標兵

三千民戶之移駐既多。天時之寒暄亦異。地本極寒。五六月間猶飛雪霰。尙需裘禦。近年以來。二麥穀糜漸可樹藝。乾隆三十九年。復設宜禾縣治。縣西八站。建城曰古城。設領隊大臣一員。攜眷滿兵一千。以聯絡各城之勢。西卽奇臺廳。今改縣。土產野牲最多。松多白藤菰。

烏魯木齊。亦準噶爾故地。及平定伊犁。額魯特種人皆勦滅。千里空虛。渺無人煙。乃於紅山嘴之下。建築城垣。設辦事大臣一員。其地山川靈秀。沃野千里。草肥水甘。足資耕牧。乾隆三十年。設都統一員。領隊大臣二員。駐劄其地。去舊城八里。八山岡之上。另建城垣。周十里有奇。上賜名曰鞏固城。移駐攜眷滿兵三千。協領等官七十八員。攜眷漢兵二千。參游等官百餘員。文職設哈巴巡道一員。京都司官二員。筆帖式三員。辦理印房事務。同知一員。理民戶。紅山嘴舊城。設提督一員。兵五千三百。副參等官百餘員。邇來甘省民戶。移駐數千家。及內地發遣人犯數千。皆散處於昌吉瑪納斯等處開墾。草萊充斥。其地爲四達之區。以故字號店鋪。鱗次櫛比。市衢寬敞。人民雜糅。茶寮酒肆。優伶歌童。工藝技巧之人。無一不備。繁華富庶。甲於關外。紅山嘴上有廟一楹。紅泥聖壁。

故俗呼烏魯木齊爲紅廟兒也。乾隆四十年改同知爲直隸迪化州。屬阜康昌吉兩縣。建立巒宮及文武二廟。州學縣學。歲取諸生十餘名。彬彬乎玉帛鼓鐘。聖教覃敷其地矣。城西一帶沙岡環繞。其下產煤盛旺。城東南卽博克搭班三峰入雲。冰雪晶瑩。望之如琉璃世界。靈蹟最著。故俗以靈山呼之。上賜名曰福壽之山。土產野牲。雉羣飛。肥如蠟。裹又產阿魏。壓油鳥。取松皮爲膏。謂之松樹膏。能已癆瘵疾。

伊犁爲準噶爾之巢穴。乾隆十九年阿睦爾薩納與準噶爾汗達瓦齊不和。率其部落赴歸化城。欵關內附。上受降。命將征討。擒達瓦齊。盡有其地。後累經畔亂。準噶爾男婦近百萬人皆伏誅。地盡空虛。上命定邊副將軍領滿漢官兵駐劄伊犁。而控制鎮扼之。總統南北兩路。乾隆二十九年於伊犁川建城。周十八里有奇。賜名曰惠遠城。將軍建牙於此。惠遠城東十五里有培塿焉。爲控俄爾鄂羅之山。其下多煤。其陰產鐵。又東五十五里曰巴彥帶。建城焉。上賜惠寧城之名。惠遠地南多雉兔。一里卽伊犁河。其水自哈什不爾沁山河並山泉之水。匯爲巨流。迅急湍激。渡資舟楫。中多白魚。鯊魚。水獺。西北流過伊犁。七百里入沙而伏。河之南川原平廣。有八堡焉。地本準爾噶巢穴。人資遊

牧。無事耕耘。今天兵既駐其地。皆需穀食。因設屯田之法。開墾荒蕪。回民六千戶。種地納糧。僅足支用。

達拉巴哈臺。亦準噶爾故地也。其種人曰打什達瓦。亦額魯特之屬。曰雅爾。又曰楚呼楚。卽阿睦爾薩納當年遊牧之處。乾隆二十年後。準噶爾破滅。阿睦爾薩納北走。其地空虛。平定伊犁之後。以其地據嚴疆。土宇廣濶。南至伊犁十八站。北至哈薩克七日。西至哈薩克三日。東北去鄂羅斯境不滿五百里。兩國之卡倫相望。爲北鄙緊要之區。新疆屏藩之地。因設參贊大臣一員。領隊大臣一員。初在西北屯劄。極寒。冬雪盈丈。夏多毒蛇。且多白蠅。爲害甚鉅。飛觸人畜眼角。輒遺蛆而去。非以膠黏之不出。後故移駐於楚呼楚。更名曰達拉巴哈臺。建築城垣。周迴數里。與哈薩克交易。牛羊駝馬。變價充費。乾隆三十六年。土爾扈特來降。其親王策伯克多爾濟之部落三千餘口。安插於城東四站。賀伯克薩里地方。恣其遊牧。產鱈魚。鯊魚。水獺。及諸野牲。多熊。色蒼黃。多麋。數百爲羣。有鳥。鳥毛似鷄。大有斤許。味甚美。常棲樹杪。故名樹鷄。鴉綠色。似鸚鵡。羽可作扇。似翡翠。但微冗耳。

闢展回城。土爾番阿奇木伯克所屬。雍正間額魯特繹騷其城。其酋伊敏和卓率其人民投誠歸化。因移其人於安西沙州。以避準噶爾之殘暴。乾隆二十年後。天兵掃蕩伊犁。土爾番人衆仍歸故土。其後續定回疆。伊敏和卓從之奔命。著有勞績。累受郡王之封。闢展雖極小回城。而地當孔道。東去哈密七百里。爲南路要衝。故建築城垣。周五里有奇。設辦事大臣一員。司官一員。筆帖式三員。管糧同知一員。吏目一員。城守都司一員。千把總五員。兵三百五十。轄軍站六臺。又西二百六十里。爲所屬土爾番回城。土爾番者。伊敏和卓之子公蘇拉滿所居之處也。統轄回城六。曰土爾番。曰闢展。曰魯古沁。曰色更木。曰託克遜。曰哈拉和卓。六城回人皆蘇拉滿之阿拉巴圖。世襲土司。非回疆各城。隨時陞調去留之可比。人戶惟土爾番最多。然合而計之。不過三千餘戶耳。更多貧苦。不能自贍。夏極炎熱。火繖當天。炎風匝地。東南一帶沙山。絕無草木。日光照射。尤不可耐。俗名火燄山。冬日無祁寒大雪。土產麥穀胡麻。而甜瓜西瓜葡萄種類甚多。無不佳妙。甲於西域。土田肥沃。亦多棉豆之利。土爾番之北一里許。多怪風。往往驢羊吹去無蹤。南皆戈壁。野駝野馬。百十成羣。哈拉和卓卽漢都護班超駐劄之所。又西

南五百餘里。爲賀卜諾爾回城。

賀卜諾爾者。卽世傳黃河之源。星宿海也。自關展西至和闐。四五百里之南。自和闐南至後藏。四五百里之東。周迴萬里。皆星宿海之海。渺無人煙。間有道途。非戈壁卽泥淖。直峯側嶺。曠野平川。無地非泉。或如鏡懸。或如瀑布。或萬點湧地而出。如珠之走盤。或錯落散布而來。如星之躔度。水色赤黃。數其泉不可以萬千計。派流莫考。沮洳無垠。無一非夾淤夾沙。涵湧旋流之水。加以雪山之陽。回疆數千里。各河東南長趨。俱匯於賀卜諾爾。爲黃河極大之湖。潏洄渟滯。旋轉而伏。其東其北。皆峻嶺高峯。以障蔽之。數百里出山。始見黃水一綫。自山下湧出。如溝渠耳。東北流入中國。卽黃河也。有村二處。皆名賀卜諾爾。各四五百家。其人不耕不牧。惟以魚爲生。織野麻爲衣。取天鵝絨爲裘。藉水禽翼爲臥具。語言與回子通。不解諷經禮拜之事。時有至庫爾勒回城者。不能穀食肉食。食卽大嘔。以庫爾勒多魚故來。他處則不敢往。其地設五品伯克一員。屬關展大臣管轄。時赴關展謁見。則裹魚以爲糧。

哈喇沙拉。辦事大臣駐劄之所。城係中國創建。東西南三門。周僅三里。亦極卑薄。去土

魯番八百七十里。設大臣一員。司官二員。筆帖式二員。屯田防守兵二百。遊擊領之城。中回人及土爾扈特人等雜處。初係回城。土宇寬廣。著勒土斯山場。迴環千里。草肥水甘。多野牲。足資遊牧。開都河水暢流。足資灌溉。以故人戶繁盛。果木黍稷。盤空被野。夙稱富庶之邦。乃準噶爾特其強橫。占據其地爲牧場。回民不堪其擾。死絕逃亡。地遂空虛。及天兵定伊犁。以其地要害。因設辦事大臣一員駐劄。後土爾扈特來歸。遂將其汗烏巴錫部落。霍碩特貝勒恭格部落。安插於著勒土斯。恣其遊牧。教之耕種。京差侍衛三員。管理其人。開都河南兩岸及著勒土斯牧場。氈帳雲屯。皆伊等所居也。數年以來。漸知稼穡。然其人貧而惰。性喜盜掠。商民及回戶。頗受其害。婦女尤不知恥。到處可以宣淫。而鍼黹女工。則遠甚於回戶也。極貧之男婦子女。多鬻於各城回人爲奴。而盜馬竊衣。逋竄不知所往者。復踵相接也。狡訐回子。亦重價輾轉販賣於巴達克善溫都斯坦等處。從中漁利。馬潼爲酒。謂之氣可。牛乳爲酒。謂之阿拉占。敬喇嘛與額魯特同。西南一百五十里爲庫爾勒回城。庫爾勒回子七百餘戶。多惰。蘭回人。無內地官兵防守。設三品四品五品六品伯克各

一員。餘皆七品。地遼闊。開都河水濚繞。多魚蝦。蘆鴈蒲鴨。鷗鷺成行。土產稻米二麥。集吉草可以爲箸。多葡萄瓜果。其人好訟。不知禮法。又西五百九十里。爲布古爾回城。布古爾回城。舊有回子二千餘戶。後經逆匪霍集占叛亂。天兵進剿。布古爾適當其衝。逃亡略盡。僅存百餘戶。歸入庫爾勒居住。息兵之後。始徙情蘭回子五百戶實其地。情蘭者回子中別一種也。爲霍吉占親近牧馬畜鵬之戶。性狡詐喜訟。回子中最爲頑梗。額設三品至四五六品伯克共五員。餘皆七品。無內地官兵。事務同庫爾勒。總歸哈喇沙拉大臣管理。土產羊皮酥油獐獬猴紅銅。城之南皆戈壁。馬行三四日。山場豐美。多野牲。益南則沮洳近星宿海矣。其地蒲灘蘆蕩。綿渺無際。爲西入回地之咽喉。其自葉爾羌和闐阿克蘇喀什噶爾沙雅爾等處來者。雖由山徑荒灘。亦必終歸於布古爾葦湖之土橋過渡。舍此別無路徑也。

布古爾之西三百里。有回城。卽庫車。古龜茲國也。方城四門。依山岡爲基。周九里。餘皆柳條沙土。密築而成。望之巍然。如金湯之鞏固。官兵回戶共居一城之中。幅幘寬廣。地扼衝衢。爲西入回疆之門戶。南數十里。卽戈壁。馬行三日。山場豐美。多野牲。無人煙。益

南則沮洳。近星宿海矣。天少雨。歲不過微雨一二次。或竟終歲不雨。耕種皆資灌溉。出城北二十里。有小佛洞。城西六十里。有大佛洞。山之上下前後。鑿洞四五百處。內皆五彩金粉。繪爲佛像。最高一洞三楹。壁鑿白衣大士像。漢楷輪迴經一部。鐫壁上。相傳唐人所爲。城東南十里。有頽城一段。長五里許。堅實高厚。雉堞猶存。土人謂漢時屯兵之所。然亦無可稽矣。西南北六十里。爲沙雅爾回城。

沙雅爾。小回城也。歸庫車大臣管轄。不設官兵。唯設三品伯克及四五六品伯克各一員。餘悉七品。城南緊依渭干河岸。城垣傾圯。荒涼一村堡耳。回子七百餘戶。歲納糧千餘石。銅硝磺之數。較庫車減三分之二。地下溼炎熱。宜於粳稻。瓜果皆佳。而梨尤精絕。多虎。產猢猻狐狸。近城皆葦湖。故夏苦蚊。如霧如塵。日晡尤甚。回人以布爲幕。日夕男女皆入幕中避之。滿城牲畜咆哮。徧身流血。二更後始定。其人村野椎魯。然亦健訟。婦女皆好顏色。悉端麗。無甚醜者。其南近賀卜諾爾。渭干河之所歸也。西南馬行八日至和闐。東南馬行二十八日。至西藏。

烏什本係回城。回人謂之土爾番。土爾番者。回言都會也。地在庫車西北千里。城依南

山諸峰環抱。大河瀦繞其北。戶口本數萬。準噶爾時最爲表著。其阿奇伯克霍吉斯。準噶爾汗達瓦齊之所立也。天兵破伊犁。達瓦齊奔至烏什。霍吉斯憑其詐力。擒達瓦齊父子以獻。身受王封。回人多不義其所爲。霍吉占叛逆。自庫車逃往阿克蘇烏什兩路之人。亦未從之作亂。而霍吉斯暴戾不馴。反覆不可專任。上乃召霍吉斯入京。以哈密回子阿布都拉爲烏什阿奇木伯克。阿布都拉貪酷。所用皆哈密回子。殊多擾攘。而烏什辦事大臣蘇成。尤兇淫殘虐。回子苦之。遂聚衆叛。殺蘇成及阿布都拉。在城官兵皆被其害。時南路之參贊大臣那世通。駐搭喀什噶爾。以罪誅。伊犁將軍明瑞參贊大臣永貴討平之。回戶盡行誅戮。因移總理回疆之參贊大臣駐之地。僻不臨大路。城內無回人居。住設協辦大臣一員。司官三員。筆帖式三員。侍衛六員。滿兵二百。協領領之。漢兵一千。副將領之。有屯田牧場軍臺錢法諸務局。鑄乾隆通寶普兒。每文重一錢二分。抵銀一分。每百謂之一騰格。回子私用。每五十謂之一騰格。哈喇沙拉普兒。與制錢通用。幅輿遼廓。北界冰山。南皆平川沃野。管轄烏什阿克蘇拜賽里木四城。其地山場豐蔚。葦蕩深遂。皆布魯特遊牧其中。外藩貿易人來。皆有應納之稅。十分取一。乾隆四十

年。欽賜烏什名曰永寧城。參贊大臣既駐烏什。各城重大機務。均俟裁決。六大回城之。三品四品伯克缺出。皆參贊定擬。與本城大臣聯銜奏請補授。每年各城有六品以上之伯克一員二員。隨領班之大伯克入覲。謂之年班。亦由參贊派定。八月中旬。齊集阿克蘇。俟參贊大臣來。犒賞牛酒。遂領帶班之侍衛。領之入京。其領班之大伯克六人。一葉爾羌之阿奇木伯克貝勒鄂對。二喀什噶爾之阿奇木伯克輔國公色提巴爾第。三阿克蘇之阿奇木伯克二等台吉鄂斯滿。四庫車之阿奇木伯克二品頂翎阿克伯克。五英阿薩爾之阿奇木伯克二等頂翎蘇爾和卓。六和闐之阿奇木伯克邁達雅爾。六人輪班入朝。亦參贊定擬。春參贊西至葉爾羌喀什噶爾。巡查回子布魯特事務。秋東至哈喇沙拉。巡察土爾扈特霍碩特耕牧情形。收成分數。以行賞罰。歲以爲例。烏什關帝廟壯麗。歲三致祭。冰山歲遣官一致祭。永寧城外。卽烏什回子村落也。烏什回子已於乾隆三十年叛亂案內。誅之盡絕矣。惟綠營屯兵四百。耕其荒廢之地。嗣於阿克蘇葉爾羌和闐喀什噶爾回城。徙回子五百戶於城外。種地納糧。設五品阿奇木伯克一員。六品海子伯克一員。七品明伯克一員。管理其人。回戶各就所耕之地。分布散處。無

城堡村聚。數年以來。漸有田園屋宇。果木成林。安於樂郊矣。永寧城東二百里。爲所屬之阿克蘇。

阿克蘇。回子一大城也。人二萬餘戶。土田廣沃。芝蔴二麥。穀豆黍棉。黃雲被野。桃杏桑梨石榴葡萄蘋婆瓜菜之屬。塞圃充園。人人富厚。牛羊駝馬。所在羣聚。尤多技藝之人。攻玉製器。精巧可觀。繡鹿革爲轡鞍轡。修整爲各城翹楚。風俗淳厚。然亦喜訟。易惑亂。回子之陋習也。地當孔道。以故內地商民。外番貿易。鱗集星萃。街市紛紜。每逢八柵爾會期。摩肩雨汗。貨如霧擁。設遊擊一員。稽查往來路票。彈壓地方。理臺站。伯克設三品一。四品一。五品二。六品一。餘皆七品。今其阿奇木伯克。爲二等台吉。鄂斯滿也。土產梨最佳。歲充土貢。又東四百五十里爲拜城。（拜富厚也）

拜。回子小城也。人四五百戶。地寒。糧米瓜果甚稀。當孔道。無官兵防守。設四品五品六品七品伯克共五員。拜城回子多烏什人。爲霍吉占祖父所惡。逐居於拜。轉得逃誅。亦天數也。又東八十里爲賽里木。

賽里木回城。亦屬烏什。在庫車西北二百十里。乾隆二十三年。天兵至庫車。賽里木回

子首先迎降。地當孔道。在雪山之麓。故寒。八九月間。木葉盡脫。果木稀少。所樹惟二麥。豌豆甜瓜葡萄。餘不多種。土產銅硝攻玉之砂。官設遊擊一員。土官設三品至七品伯克。共十一員。風俗淳樸。無回子惡劣之習。喜暢飲酣歌。與庫車相似。

葉爾羌。回疆一大城也。葉爾謂地。羌。寬廣之謂。回人呼之爲葉爾奇木。爲霍吉占祖孫父子之巢穴。人丁七八萬戶。比櫛而居。幾無隙地。中國商賈山陝江浙之人。不辭險遠。貨販其地。八棚爾街。長十里。每當會期。貨若雲屯。人如蜂聚。奇珍異寶。往往有之。牲畜果品。尤不可枚舉。其人循謹。敬中國之人。愛戴官長。性懦怯。習技巧。尙宴會。婦人善歌舞。能百戲。如打觔斗踏銅索諸戲。皆有可觀。但豪強兼并。習染成風。伯克土霸。日增其富。小戶回子。少有積蓄。輒爲所咀嚙。以故人戶雖繁。不能殷實。多貧乏之人。其地有河。產玉石子。大者如盤如斗。小者如拳如栗。有重三四百斤者。色色不同。如雪之白。翠之青。蠟之黃。丹之赤。墨之黑者。皆上品。一種羊脂朱斑。一種碧如波斯菜。而金片溼透者。尤難得。河底大小石。錯落平鋪。玉子雜生其間。採之之法。遠岸官一員守之。近河岸營官一員守之。派熟練回子或三十人一行。或二十人一行。截河竝肩赤腳踏石而步。遇

有玉子。回子卽脚踏知之。鞠躬拾起。岸上兵擊鑼一棒。官卽過硤一點。回子出水。按點索其石子。

去葉爾羌二百三十里。有山曰米爾臺搭班。搭班亦作達坂。回言山也。徧山皆玉。五色不同。然石夾玉。玉夾石。欲求純玉無瑕。大至千萬斤者。則在絕高峻峯之上。人不能到。土產犛牛。慣於登陟。回子攜具乘牛。攀援撻鑿。任其自落而收取焉。俗謂之察子石。又曰山石。每歲春秋二季。葉爾羌貢玉七八千斤至萬斤不等。葉爾羌和闐玉隴哈什哈琅圭塔克河中所產之玉。無一定之額。儘數入貢。由臺站輦送至京。私玉之禁甚嚴。臺卡例應稽查。然而奸回私採。奸商私帶。涉險作巧。又有不能盡除其弊者。南七百里爲和闐回城。

和闐亦回疆之大城也。南行二十日卽後藏。北距葉爾羌七百里。西皆崇山複嶺。土田平曠。沃野千里。戶口繁多。皆出玉子。多於葉爾羌。瓜果咸備。風俗淳樸。無遊惰浮華之習。男力爲耕作。女勤於刀尺。原蠶山繭極盛。所織紬絹繭布極縝密。光澤可貴。或曰和闐卽古于闐。而回人稱漢人爲赫探。漢任尙都護西域。遺其人衆於此。和闐回子皆其

遺種。故回子呼之爲赫探城。和闐。赫探之譌音也。

喀什噶爾。回疆之一大城也。喀什謂各色。爾爾謂軋房。地多各色軋房。故名。亦言其富庶之意而已矣。地爲西域極邊。轄回城九。地土膏腴。糧果多收。土產盪段盪紬金銀絲紬段布。石榴木瓜瓜膏蘋果葡萄乾。皆以充貢。

一喀什噶爾回城。與鎮城相連。極繁盛。習技巧。風尙奢華。人皆循謹。畏法敬官長。設三品以下至七品伯克若干員。今其阿奇木伯克爲一等輔國公色提巴爾第也。

一英阿薩爾回城。在喀什噶爾之南二百里。爲外藩各國入回疆之總道。最爲緊要。設總兵一員以鎮撫之。土產稻米二麥麻豆。瓜果甚盛。今其阿奇木伯克爲二品頂翎之蘇爾坦和卓也。

一脾斯巴特回城。在喀什噶爾東三十里。土產黑攀瓜果。今其阿奇木伯克爲海里爾也。

一塔什伯里克回城。在喀什噶爾西北二百里。與布魯特密邇。設四品阿奇木伯克。爲散秩大臣布魯特比阿奇木也。霍吉占亂。阿奇木効力行間有功。上以此地賜之。回子